



文啟美詩集序

湛持公與余交有年留心經世而談及詩
文字盡東南名山水意興飛動曰吾弟啟
美君未交耶後于鍾山下西亭始見啟美
幅巾荷衣相與飲于^之蕉之苑醉墨淋漓
詩與字與畫蹇屈隱見光爍又何其淡澹
也因與談湛持公之鴻蓄天下望雷雨甲
折而爲嫉賢者沮也嗚呼天歟人歟嫉者

之死則竟死焉耳湛持公之死何嘗死非
死而死也方今中原多故群藥寡力不
寇賊則憧夷狄巨公大人有不吝嗟思起
之九原乎啓美浮沉金馬游心于金題玉
璣亦幸而浮沉下僚耳湛持以憂讒畏譏
而啓美以吟咏徜徉固無嫉者則詩之字
之盡之蘭蕙之壯也勝風露而不受令于
天於啓美奚失得耶鄉使啓美以彼忼慷


一旦置身名公卿恐掣曳卽至蹶焉增焉
當不減湛持爲政時彈骨嚙臂毋于不平
之間不得從其公正之數隊岸仞螻蝻喜
啓美殆不可知安得徜徉如幅巾芭蕉之
時歟是故啓美之才遇不遇夫亦有以
償之也或曰信子之言人皆韜器而浮沉
下僚然後可乎則天下其誰擲嗚呼人亦
行其志耳洒濯其詩不餒其氣又安往而

不可哉余乃正告之日藏金斬巖蓋重有感於身世之交當歎息世運而不當為啓美歎息也

崇禎戊寅重陽孟津友弟王鐸序

文生小草

雁門文震亨啓美甫著



隴西李國禎兆瑞甫定

遊况三首

肯將標榜借君公十載行藏汗漫中不厭累多猶養鶴已為客計是賓鴻弓旌往日曾膺召筆墨年來欲論功齊輦下寄聲同好在吹竽挾瑟竟誰工

烽火何妨入望驚
兵戈滿眼自儒生
行從陽鱈爲同類
愧與閑鷗負舊盟
中歲不堪思往事
邇來方得見交情
金門玩世吾何敢
或者爲郎似馬卿

江左誰占處士星
陸沉今日又新亭
時方中澤悲鴻雁
吾欲門人廢鶴鴒
愧澗慚林非得已
滋蘭樹蕙記曾經
授衣珍重深閨意
漸有秋光冷畫屏

贈范大司馬質公三首

自古安危屬上臣
于公更覺有奇因
來臨高帝龍飛地
正直中原豕突辰
牖戶有謀皆至計
旌旗入望盡維新
始知天矯風雲者
卽是當年麟鳳身

韓富歐陽姓氏中
古今人傑巧相同
時情屬望南之北
大事能兼祀與戎
如水署中猶問竹
浮雲天外欲冥鴻
從來整暇誰堪

並不朽惟三總在公

公曾官奉嘗故云

金盡安論顏色存一殮誰復飯王孫平生
未致猶龍頌今日方登司馬門抵掌談能
忘士賤攢眉憂亦爲君恩鴿原新有差
池恨世好多公念弟昆

慰侯雍瞻東下

又將分手問西風相對能無感慨同以我
雁行零落後逢君蟾影寂寥中文章漸欲

歸秦網得失難言類楚弓猶喜君親分樂
事辭兄將母下江東

秦淮女郎范雙玉善書畫索詩

筆香墨氣對蘭缸似有幽人坐夜窓金粉
無多餘想像鉛華獨洗自心降相逢恨少
珠千斛問字云從玉一雙若寫遠山眉是
譜不須花月畫春江
林下風存冠狹斜自然骨格帶煙霞書臨

鍾傳今宣示畫本倪迂女大家蛩遞秋聲
來枕簟鳥啣幽夢入窓紗誰同韵事分清
福靜對人間品外花

侯廣成衙齋看奕

至理惟應靜始知官閑客冷最相宜藏機
妙若忘機者注想全于非想時當局苦心
緣遇敵旁觀袖手爲生疑仙家日月平嘗
甚柯爛多因下子遲

阮集之光祿見示諸刻

何須餘子盡知公海內誰能表大雄自歛
一枰居局外獨留萬卷在胸中雲臺議者
終無據天際真人迥不同勘破世間俱是
錯寓言直欲碎虛空

自向波翻鼎沸時挽回惟有寸心知初焉
伏馬鳴當斥旣曰方蛇影可爲宣室席皆
前狡獪新亭淚豈與安危書生不少澄清

志敢以公當十萬師

晤葉肇禧于隅園

舊遊十載得重尋
亭館依然竹樹深
俠骨自來兼傲骨
壯心聊爾寄閑心
君子于卿相
居增重我向江山
蒼苔吟盡道鳳池
堪染翰侍臣何以謝
朝簪

阮集之先生招集對菊

泛交于我竟何關
獨喜從公水石間
減產

已稱貧北阮
移家相近舊東山
時方累卵
爭推轂若御祥
棊必賜環尊
酒較論千古事
笑他陶令太蕭閑

奉寄 荆溪相公公書來唁問先兄致

感

袞烏雖云公在東
起居原自注宸衷
裏黑頭位冠羣
僚日青眼人傳好
士風家近神仙名
洞府身爲宰相斲
山中四時正值循

環候綠野優悠未可同
典禮虛稱舊具官何時

聖

主念其盤調羹釜冷終商穴煨芋鑪空負
懶殘問俗秋雲猶未薄依人冬日竟爲寒
多公尙憶山陽笛此道于今實已難

彭天毓虞衡招集水部園

露下天高可以霜又催風雨近重陽林園
半是曾遊地行李猶爲過客裝啓事山公

應秉爵清銜水部始爲郎尊前感慨無窮
意桃李門中話梓桑

天毓爲余甥孟長所取士

入南晤姜神超丈談吳門舊事

一石衡門亦可支十年高枕賴心知歌魚
作計非全失將虎當時實已危君也經綸
曾小試吾于出處竟何爲匡時公輔皆推
重行御鋒車入鳳池

吳浯溪駕部招集木末亭

客中誰道不宜秋黃葉丹林亦勝遊自有
一亭留木末擬將雙眼看雲浮憂時君每
多長策浪跡吾能廢老謀梓里山川曾寄
屐較量此地孰爲優駕部閩人余曾聞遊
故云傾蓋偏能惜我私雖云世好實心知頓令
遊道非爲賤若在他時自不奇飲水官清
猶念客翻雲俗薄竟依誰栖遲正有離羣
歎斲穩南枝問北枝

贈方孩未先生

亦作蛟龍亦鳳麟入能折檻出埋輪誰于
羽檄當旁午獨奮纓冠歷苦辛獄吏巧成
三字案吾

君特賜再生身如茲徃復窺天意呵護因存
第一人

誰謂羈人負此遊識公榮甚比通侯微談
往事猶驚鹿未許閑盟只伴鷗金碧六朝

依勝地風霜一代表清流姓名殿柱留題
在安用商巖夢裏求

阮集之先生初度入山寄訊二首

露已爲霜候楓能染葉無林安初試屐夢
穩不懸弧天與慧兼福公言智若愚文章
寧小技龍馬自成圖

寄想登臨暇知應未得閑散齋開白社留
偈與青山叩竹還饒舌拈花或破顏斯時

遊子意惜不共躋攀

俞容自先生以歐俞夷陵詩見示先生

左官夷陵故合刻之

遷客騷人兩合符夷陵先後有歐俞黃牛
峽靜看朝暮神女峰奇入版圖政術每從
經術始素絲能念繭絲無不知公者知公
甚勝水奇山臣所需

贈范太蒙先生

臥雲誰不望卿雲名在清流素所聞入鑒
九流扶正類歸安一壑謝同群松于絕壁
惟增傲蘭爲當門倍有芬自是其蕉能甚
口翻令脩竹被彈文
仕雖三已氣嘗平始信從來少宦情酒與
嗣宗添白眼棊令安石負蒼生山林氣色
驕當山彝尊嚴孰抗衡一語千秋知己
在因公遊道不爲輕

題周江左社兄鼎足齋謂書畫性命也
自將清課佐清談性命圖書可共叅烟月
已辭江以北山川流寓 帝之南殘編斷
軸皆爲寶廣索窮搜不諱貪却笑周郎當
日事鼎分徒話國成三

周維揚人自稱江左周郎云

李臨淮玄素斫鱸觀劇分東字

若令堽戶老江東安接君侯意氣雄鱸法
郇厨皆至味鮐籌髡飲不曾空文心共向

登場寄賦手誰能卽席同却笑當年彈缺
事馮生蕭瑟孟嘗窮

與臨淮各賦長歌

李侯胸中貯萬卷凌蹴班馬推獨擅李侯
有業垂千秋睥睨絳灌安足儔慕侯意氣
亦已久羨侯高名滿人口俯仰六合窮九
州縱橫流畧靡不有先王先公雖代興如
侯復起人中英黃金臺高初戰氣欲繫尺

組思長纓通侯宿衛年十幾已從高邑稱
弟子清流是處皆淵源名下何人不蘭芷
天吳九關齒斷斷能探頷珠批逆鱗宮中
寺人方指鹿慟哭欲解同文獄赤舄遂移
侯在東珥貂插蟬服象龍前陳蔡戟後鼎
鐘燁如神人居其中

帝

命三錫侯益恭長江控制上下曰橫槊醜
酒何豪雄鼻端出火耳生風中原梟鯨思

薦食誓師扼之江以北一腔氣足壯山河
七尺軀先冒矢石散金養士一劍存

陵園敢遺憂

至尊

高帝靈爽長如新鑒侯真無愧世臣草莽余
亦有心者知侯與少可更寡侯也肝膽爲
余傾余也項領爲侯下彌天誰障元規塵
丈夫墮地自有身將懸日月高着眼天下

如侯有幾人

次范太蒙先生秦淮泛舟之作眉生及

張王三姬侑酒卽事

載酒斯時共畫橈已多秋氣漸寒潮文人
久奉公爲主祭者何妨各自驕對酒怯因
稱小戶當歌閑偶定新條天涯知己方垂
盼何意蛾眉也目挑

贈徐虞求尚寶

不使寒廳有襍賓其門如水案凝塵微談
驚鹿當年事總是祥麟一輩人 原廟敬
共瞻紫翠江山舒嘯動星辰支願拄笏非
無意整暇經綸卽此身
能向鴿原問斷鴻羈人因不諱途窮何當
挾瑟吹竽候得坐清風朗月中符璽班聯
尊九列銓衡碩望重三公亦知噓拂無凡
品欲附芳蘭氣可同

蚤冬顧與治社兄招同葛震甫劉今度
五思鄒滿字楊曰補社集小閣看黃葉香
雜以 橙對菊

萬卷能藏小閣中更容山翠在墻東橙香
似爲高人供菊冷惟邀靜者同尙想寒松
聽舊雨偶然黃葉話宗風因君分得幽居
樂令我都忘客計窮

寒松亭與治社居也

文貽葛震甫先生

文人有用著循良峴首碑應在點蒼金馬
碧鷄曾宦轍隱囊塵尾是行裝問年詩律
堪爲譜尙友詞壇孰擅場聚散恍然如夢
寐相逢欲話小滄桑
薄白下晤程于止社兄山翠空濤東嶽香
雖從四海論交情肝膽惟于知己傾吳市
正思垂橐去國門喜見著書成品評當代
誰人物翫好高齋寄鼎鑄我是浪遊君難

後相逢感慨自然生

題鹿門圖爲卓左車社兄

末路英雄任所之但依覺路本無岐殘花
落處拈如意劈竹聲中問箴籬橫豎文章
皆說法天人眷屬互相師一彈指內過千
劫枉道庭前日易移
阮集之先生示三山遊日記其行以弔
故友潘無隱也

宿草初尋感慨深
忍將絲竹溷清音
江山盡作分明事
仙佛都無附和心
意冷最宜看落葉
身閑是處有長林
誰非耳目經行地
庸屐凡筇自古今

寒夜同容自孩未集之三先生集太蒙
先生齋中次集之韵

不虛良宴會高館
代登臨鵲冷思寧
樹猿哀憶舊林已
霜當此夜欲雪故
爲陰山水

尊前在吾能罷鼓琴

羈也終何取諸公
不鄙夷久淹非失計
欲別亦無詞鑪蕪香
分品杯停茗獨私
惟應慚擊鉢高韻恐
難追

送王玄珠京兆入覲

鉅公暫借尹陪京
四牡仍爲輯瑞行
折檻可旌真

聖主欽枰何負此
蒼生官廉自與冰
霜近名

重能令泰岱輕盡道規塵思障面不如兩袖有風清

錢大鶴職方左官歸送之
已篋陰符罷論兵中原寇盜任縱橫誰門桃李宜推折已氏風波久不平部曲感恩無異議交知惜別共深情虛勞偃月堂中計贏得歸身一葉輕
何曾拄笏片時閑勞苦三年戎馬間

天子豈真忘上賞朝賢原不念時艱新栽謝樹將成玉未老萊衣又舞斑如此主恩安一壑任他蕪穢自南山

爲滿字先生賦白日掩荆扉

反掩亦已久棲君千古心寒非因止水定豈借空林日氣願爲淡山容嫌未淡始知真益友不語亦規箴

卽此秦淮曲偏宜靜者居漁樵旣多事農

圍復何如戶亦不輕出室其嘗若虛一山
一水外滿字又成書

看眉生畫蘭
秦淮嬌艷寫幽花
一筆從無帶淺沙
應是不爲荆棘地
但令叢葉長新芽

雙鈎已勝馬家湘墨葉分明似子昂親見
吮毫良久態妬他筆亦近脂香
名擅無雙此一時
輕輕香骨傳柔肌
卓家

翠黛猶非並何況成都十樣眉
國香傳入畫圖中
車馬門前流水同
能事最爲纖手累熏爐
火煨不曾烘

贈王孺初操院

獨坐崇階爵上卿
又開節鉞在留京
提封盡領江南北
鎖鑰全關國重輕
諫草流傳曾指佞
羽書絡繹又專征
若論往日埋輪事
春雨秋霜總頌聲

如山仰止水朝宗得接威儀起敬恭福曜
卿雲徵品望三湘七澤是心胸名高才子
初稱驥頌獻真人擬作龍盡道公門堪立
雪冰霜桃李若爲容

贈百歲翁姚公理

何心雲門路可窮偶然入市列仙同六朝
耆舊三山客五世通家百歲翁往事與談
如昨日昔遊重問卽遺風對君覺我年猶

少恰是人生強半中

晤慧如禪友因憶湛公

誰將七盃破宗風一掃雲門舊案空掛笠
杖應閑石壁蓋頭茆已定山中叅方但禮
霜前栢作務親分雨後菘老我十年來此
地遠公相對憶支公

贈陳雪灘先生

尚有隆中抱膝人中原應不歎沉淪歸依

我自尊龍伯接引公容附雁臣信美有都
初去蜀隱憂立論或過秦圖書几案多清
事安得京華戀軟塵

身賤誰皇閱我躬辟諸草木可能同柳辭
葉後枯于客菊有花時靜對公絳帳文章
曾水鑑碧紗詩句敢塵蒙十年論道皆爭
坐虛席何人帝夢中公

贈魏考叔先生

結習生平愧未除對君方覺意蕭疎圖山
寫壑元人似鐵畫銀鈞晉代如聞達不求
惟孝友家庭有樂在詩書采風使者能詢
俗合表當今高士廬

送楊龍友盟丈計偕

鱣席何繇得久淹從來龍德有飛潛其門
問道無凡品吾黨推尊實具瞻尚有閑情
傳畫譜稍分清課到香奩東南近日方爭

長韵士文人孰可兼
已是花磚視影身
安能不踏軟紅塵
名經世自尊千佛
交籍今寧有二人
掩耳玄黃爭洛蜀
醉心金碧想梁陳
雲臺羨子將高議
悔着羊裘把釣綸

題黃孝翼盟丈浮園

倦遊聊結小團焦
筇屐蕭閑已掛瓢
姬媵但容梅作侍
尊罍時與竹相邀
皇居雲

物瞻雙闢名士風
流慕六朝却笑爾
家玄

太史漫從千里寄
劉招

黃幼玄先生賦劉招以規漁仲之遊

時同寓南中皆閩人也故及之

姚園社集追憶允初先生次日補韻

月不凝霜煖似春
水光山色更停勻
琴尊幾載長懷舊
堂構斯時復見新
鷗靜可容魚共樂
鶴歸或喜雁來賓
同盟不少稱同調
尚憶當年唱和頻

次郭聖貽社丈歲暮見懷之韻時方會
葬聖僕干友
其羽差池雁序同不堪日月又交窮琴非
鍾子難爲調絲繡平原愧未工猶向黃墟
懷阮籍誰將玄草問楊雄青山乞得埋香
骨瘞鶴銘應殉此中

薛歲星比部見和客况二詩再用前韻

奉酬

天壤高名有歲星得瞻風骨果亭亭河東
君自專推鳳原上吾方獨念鷓齊物有人
將廢論陰符于世共尊經新交幸接同心
在汎汎寧云總聚萍

蕉鹿當年夢不驚便將筇屐寄餘生山川
到處能娛客金石斯來得訂盟袖領所歸
看繼起淵源欣附亦同情獨慚未有凌雲
賦子墨何當借客卿

丙子除夕客南中

除却枯筇萬事新
交遊力盡爲謀身
烏憎啄木能搜蠹
草貴迷陽善刺人
楚漢不分朝士籍
秦淮猶得女郎隣
客中其苦親僮僕
此夕椒盤去五辛

丁丑歲朝

已解凝寒掃積陰
一枝或得問安林
冰霜與歲無深意
雲物乘時有媚心
偶爾舒眸

因測日豈從覆手望
爲霖中年陶寫惟絲竹
何意嚶鳴又好音

是日日食太史奏不爲災

和集之先生新歲見懷之韻

寄傲乾坤岸角巾
柳年梅曆又經春
六時半是詩爲課
萬事惟將酒讓人
數百步間聞阮嘯
三千里外任規塵
巴園橘裏方爭道
一着還當問積薪

南園雨集分村字
時流警告急陸沉
悵

山然雨後冷
春光猶未受
溫存冷徑苔
初試屐痕急
雨豈辭居雪
後遠峰無計
避雲吞已多
餘地梅成藪
稍借他山石
有根極目正
須遮落日不
堪豺虎遍江
村

贈黃四長社丈

尚有交遊意
氣新江山何
處不風塵君
稱海內真男
子身向天涯
得比隣萬里
侯封

今循霍一家
言出古周秦
陰符匣豈供
高枕匡濟還
須我輩人

社集汪遺民
託園看雨中
紅梅得潮字
浣沐恩深雪
可邀不期風
雨橫今朝心
隨瓣落將殷
水頰有脂殘
若暈潮萼綠
忍寒臧意氣
檀黃媚晚未
招搥詞人齋
閣花分侍先
與紅兒慰寂
寥

再用前韻贈遺民山民二社丈

晤對真令意已消小窓跨火話今宵門庭
內可徵名士簡冊中能訂久要兄弟並皆
尊雅頌諸侯誰不致弓招逢年自笑無長
策將欲從君問藜藿

贈楊季恒丈

抱膝能無歎陸沉猶將顏色問黃金英雄
氣挾文人習將相權兼仁者心香茗玄亭
增韻事水山白下寄清音伊吾十載真何

益一夕雄談盡古今

贈趙二瞻侍御

曾驚山岳動星辰四應分才卽此身佛地
位能兼福慧人間世已見經綸共傳止水
盟心久更祝明珠入掌新九列朝端虛左
待匡時不獨在批鱗

公未夢蘭故祝之

人傑關西望不虛南床風采更誰如金城
有畧原家法魯乘無邪是簡書清俸祗

堪隨一鶴生，芻何意接雙魚。私門欲致雲
天頌，潦倒寧辭曳敝裾。公以屯馬行部遣
弔先相國兄故云

社賦春雪四首

不意冰霜氣仍于此候，存春容收豔冶月
令易寒溫。餘欲求灰燼空原，慣酒尊平生
垂釣手，乞煖向何門。

若效三時瑞當先，一月來緘禽無碎語積
石浣新苔。柳眼未描畫，梅魂借挽回。東臯

無舊業，預蟄任驚雷。

是亦乘春職，何妨眺覽新。堅冰無久計，破
茗尚經旬。芹白肥堪把，松高瘦有鱗。勾萌
還意氣，草木傲羈人。

橘叟覆前局，玉塵飛作花。一簾粘蝶翅，三
日杜蜂衙。輕薄猶先絮，消融或漏沙。斯時
遊子目，芳草未天涯。

社賦蚤春郊遊聞鳥鳴緩轡晚歸

或命中車或杖藜春疇未事且郊西誰將
細管調禽舌尙少飛花驟馬蹄盟取椒蘭
重入社時非桃李不成谿夷吾自有偏安
意莫話中原正鼓鼙

社賦月下觀梅醉吟

自與梅花問獨醒影參差處月中庭傲他
風雪猶多日更莫相逢是酒星
過孩未先生見蘭梅紛侍香茗獨清悠

挽阮太翁

推枕方知夢已醒去來何戀委然形留書
別友無多語遺訓傳家戒不經猶想聚星
曾此地豈堪落月又虛亭抑情欲慰支床
甚話到山陽淚自零

題盧寄園社丈小像

花樓綺榭圍香玉樓西碎錦紅香簇樓中
之人人耶仙角巾紫裘方少年何來鼓吹

樓之前松風一部如管絃侍兒織手柔荑
然展卷若待揮雲烟妍辭秘思斷復續柳
肩相映橫波目濤箋拂几流墨華奇思揮
架腹五車金碧六朝來勝地印床花擁神
仙吏知君此圖非浪傳欲于山水留清緣
更將一片鍾陵紫比似羅浮古洞天

寄園家粵東而官于南國學其像有樓
居萬松間桃花爛然眩目樓中圖史
陳一奴侍拂箋若待疑思染翰者故云

然會心因次集之先生上乘逸民詩

二首

不諱偷心是得閑其門一杜便深山四時
無取秋冬氣九折曾過生死關自向幽齋
娛倩盼已將安枕付潺湲絕憐身本夤緣
樹蘿弱松高幸可攀

閱盡人間恩怨人莞然一笑是天親黑甜
自穩三竿日紅軟空飛十丈塵任道彎弓

方射影不聞止水亦驚鱗與公屈指論元
凱誰是花前現在身
過丁蘿月司農衙齋看奇石

圭組文人自羽儀含香譽望冠當時軸簾
分遣千花侍入座旁收五岳奇金石錄中
朝共夕有無聲裏畫兼詩亦知不獨才華
美能與君王佐度支

李芳洲司農衙齋燕集卽事贈之

不比朝賢謂盍簪盟于金石可相尋官閑
偶爾同舒嘯才大真堪挽陸沉
帝里衣冠尊望族舊京筦籥寄文心多君尙問凌
雲賦筆札何曾給上林

壽阮柱麓太翁

除却琴尊便水山無涯歲月又高閑一經
已授文章伯十賚原叅宰相班樹聽聲音
成兩部花看綽約侍雙鬟欲知機事都忘

盡冰雪顏非借大還
臧否何煩問嗣宗
但看紫氣在眉峯
起居自穩三竿竹
登覽長閑九節筇
將絮柳爲新月
令已移松想舊雲
封抱孫行見含飴
樂雛鳳先于起臥龍

陳裕所善北曲邀之傳奚輩
高唱飛塵低遏雲
抑揚中每見情文
耽歌近換滯書病
何意天涯又遇君

一簫寸管和時腔
綽板琵琶唱大江
教得侍兒消客况
欲從南北擅無雙

贈着海來侍御

治邑傳家譜若何
能令兩地起謳歌
采風官重煩持斧
浴日功高仗洗戈
凡草愧無當品
漆高山猶幸仰嵯峨
何緣金石同欣賞
碑版曾搜晉永和

余舊修南垣志有南省事源一書曹大

余箕黃門訊及荅之
授簡當年志掖垣編摩敢謂一家言人文
海內徵著鑑政事朝端重本源自向星
雲欣附麗更從梧竹有攀援多公顧盼能
千里局促寧同困短轅

贈王覺斯詹尹

擬公當代總非倫維邑中天有異人筆墨
象心鎔魏晉文章結驥在周秦能從雁序

憐凡鳥愧向龍門隱困鱗四氣正逢將進

候片時吹拂有陽春

是時公孫南院轉北
已治裝行矣

不因好古廢今籤食寢猶能信手拈但有
片言經品藻何殊七寶爲莊嚴甌將貯十
枚先屬鼎貴調羹味始兼若問救時名相
業絲綸閣下有緗縑

三月三日與治招同社集市隱園修禊

各賦四言

昔我來遊空林已霜今我來遊天桃始芳
交交黃鳥集于苑楊其雨如絲滌此春陽
借我同人陟彼崇岡以泳以游泛舟洄翔
中林有堂于焉豆觴洽我語言以代鼓簧
凡今之人胡不四方欲濟匪航欲涉匪梁
誰謂蒺藜據于周行斯辰解襪以被不祥
濯故絜新永矢弗忘庶其遊般垂戒怠荒
暮春雨花臺登眺賦響字

高臺騁遊目緩我煙霞想未欲勢峻嶒宜
人以偃仰春風盛嘘拂江山謝蒼莽香林
依翠微取適異幽敞憶與茲山僧茗供邀
清賞十年始重來僧雛悉已長慧公入溪
山松風留舊響松間榻尙存安事千里往
爲茅止生社丈賦一歲鳳三雛

跨馬長驅北滅胡歸來喜見鳳將雛男兒
欲取腰間玉祭者爭誇掌上珠入抱撫摩

皆繡褌懸門絡繹盡桑弧茅君兄弟人間
在門足三公兆豈殊

次申維志社丈見懷之韻

莫向天涯問所親故園相隔計由旬棲遲
幸舍能懷我袖領名流豈讓人想到交遊
多聚散寄來詩句倍清新臥雲愧負當年
約貧賤誰云意可申

寄錢振河丈振河與余隔墻而居最相

善也

北轅欲問且留南此意同心或所諳按拍
定增新度曲挑燈猶憶舊清談時光荏苒
將眠柳月令清和到浴蠶一樣綠陰黃鳥
候隔隣不得共雙棋

三月望日社集阮林卽事同賦爲阮太

翁壽

聞公釀春酒旣以介眉壽高堂致嘉慶餘

樂及朋友是時青陽暮明月照高柳賞心
愜玄言盈尊分大斗魏翁此耆碩葛翁神
仙後羣彥方比肩緇錫亦堪耦作者何多
才今古靡不有我志在美頌相期于皓首
如公天倫樂千春未云久

贈大宗伯葉曾翁師

論道如干 黼座傍賡歌方可頌明良大
川身備舟兼楫未雨謀先梓與桑虎觀舊

推真誦讀鷄林欲購近文章在公尙覺爲
餘事金鑑圖成警怠荒

寧惟綸閣有真儒九列中皆奉楷模傳昔
圖形徵帝賚夷今典禮在留都後先總爲
時憂樂接引能端士步趨自愧浪遊潦倒
甚絳紗亦是舊生徒

別張北海文選因寄顏同蘭中丞
僕本流浪人離懷每盈抱况乃知己恩爲

別敢草草昔居菰蘆間識公恨不蚤南來
及事公忘分遂傾倒始知匡濟畧不獨盛
文藻餘事及金石亦得共探討齒牙所噓
拂皆以飾枯槁微言悉見珍好我敢古道
當公思浣汰羈人已悄悄及茲就征途川
原分浩渺欲往從公遊公家在蓬島海錯
不辨名海山青未了或于耳目外就公謀
一飽又恐尺一書急公定雲擾家食非久
寒或能保

別孫意白考功

生平習公名謂爲真龍夔南遊始見公岳
瀆在鬚眉懷刺拜鈴下公不我鄙夷多公
好士風慰我千載思經綸在整暇議論多
英竒一爲借箸籌胸中十萬師昔公鑒九

流盡撤棘與籬啓事登衆正進退無詭隨
介然清瑤中風節以自持魚鳥亂天淵虞
羅從此施神龍甯高深舒卷靡不宜舊都
遵養地公輔急所推胡爲
鍾陵紫拱笏歷再碁于公雖澹然物論多驚
疑九列尙高足何不一策之願言吐肝鬲
理數則可窺軋坤紛戰氣盪滌非公誰群
力巧尼人徒爲識者嗤三月侍燕觴桃李

多容姿四月忽祖道有請從子規事賢湏
及辰因以申寸私豈有國士恩望塵無一
辭豈有湖海豪而乃悲臨岐况公暫休沐
行有鋒車追努力光竹帛以身繫安危鷄
鳴何與人起舞亦斯時
送楊曰補之萊州

剛對鍾山甫定居勝遊千里又驅車山形
幻出皆疑蜃海錯名多不貴魚當日玄亭

無畫本斯時宗壁有奇書一節吾亦將齊
魯秋以爲期約豈虛
伯埜宗侯長吟館

盡除朱邸氣直與素門如布席惟容膝堆
床有亂書事歸幽懶內詩在靜溪初不識
宗侯貴時情繫草廬
送楊祥宇太傅還朝
何期繡袞幸相逢肝膽能傾意氣雄猿臂

南山談射虎龍韜東海記非熊舞歌曾繞
朱旗電宴笑還生白羽風三錫已知膺上
賞崇階有詔傳青宮

中興諸將論功年公也師中寵命專

高

帝寢園勞侍衛舊都生聚賴安全名高薊
北三千里家住城南尺五天不是赤松思
踐約暫時恩賜錦衣旋

徐尚寶休翁以五月初度祝之

善禱寧云我所私龍夔中得見佺期人疑
吾道非增長天意于公獨護持醉竹庭階
清不減浴蘭閨閣夢相宜懸知補袞非凡
手月令先稱續五絲
漫言江左仗夷吾匡濟今歸子大夫心事
向來存水鏡眉堂今日類冰壺三公望重
朝兼野兩地情淡越與吳但指松喬猶泛
祝松間應見鶴將雛

眉堂公所署也

杜退思先生以南國學轉北北部送之
昭代文章出爽鳩如公大業又千秋金閨
群彥皆尊尚石室竒書悉較讐筆墨有神
今杜甫江山無恙古黃州亦知啟事須才
意解網先分

聖

主憂

先生黃州人也

久向中原識鳳麟園橋觀聽一特新青廂
子姓無凡品絳帳生徒有貴人講席詩壇

雙

分日赴觴條歌約偶然親吳門尚憶當年
事乃見交情獨取真

社賦王安豐卿卿辭

春婦事梁鴻齊眉舉案欽高風勸妻敬冀
缺夫耕于野婦則饁安豐之婦卿安豐治
情媒態一字中愛卿卿卿語雖戲好言慧
心善為媚我不卿卿誰卿卿無窮嬌妬從
此主君不見畫眉一出京兆手遠山得似

有文君否情之所鍾我輩同閨房之內靡不

社賦聞皖上失利

中原盛枯骨膏刃殊未已昨傳皖上師全
軍復戰死鼓輦既無聲嗚咽惟流水屍氣
腥草木鬼燐變為紫賊飽無他娛斫人以
為喜幕府非無籌其悞為賊餌從無一矢
遺安能折筆使憑軾觀未竟轉盼失完壘

近聞事春疇遍野皆虎兇殄滅尚未期一
怒亦徒耳王者貴不戰肉食謀非鄙桃源
如可尋放棹從茲始

秦淮午夜

午日爭如午夜奇六朝未必勝今時江山
何暇看金碧樓閣惟宜望透迤照水船分
燈八面當風燭起焰千枝無端又憶生公
石小部齊聽竹肉絲

贈江右傅玉生孝廉

薄遊旣鮮歡胡爲止于此幸哉平生懷乃
得見君子君子今管樂英名滿人耳揮霍
非纖才談吐皆至理上書不見收彌貴洛
陽紙還拭賈生淚掉頭歸故里想其抱膝
時力欲挽波靡四海方橫流七尺爲之砥
凡君良友朋其籍絕庸鄙葑菲亦見收能
無愧糠粃聲華或有托所慕非金紫豈無

據要津亦知天下士交臂不相顧淪落何
足比所以古人言結交貴知己
許無文社兄應賢良送之
皇家急鳳麟結網勞
天子 詔書植嘉木原非好桃李已有薦君
表纁帛來丘園風雲從此起彌彰吾道尊
經綸破萬卷期許本不淺抱膝吟未終捉
鼻恐不免前行向京洛京洛故人多雞鳴

九衢中冠蓋爭相過留鄴非凡流管樂饒
偉策宣室如有問夜半必前席始知名世
人幡然會有期真儒應弓招伯仲惟一伊
一言能弭寇再言能却虜建樹當及辰碌
碌何足數近者聞殿爭坐論惟征誅還應
語夔龍胡不反唐虞

贈許石門祭酒

斲金華命剪桐園橋桃李又依公對聖

人居近龍飛地王佐才高虎觀中接座
絲綸徵相業及門禮樂盛儒風敬恭不挂
支願笏爲有

陵

園對鬱葱

人士東南賴總持臯比因得坐龍夔門傳
貴族神仙裔官列崇階胄子師眼底更無
書未見胷中惟借史爲規朝賢新議尊刀
筆豈有申商可救時

同震甫翁過容自先生園泛舟于池

公本高曠人爲園事穿鑿公橐無餘錢富
有在丘壑公先蒼生憂不後仁智樂始知
真文章山水亦述作僕也湖海客十年重
來遊多公驩焉意每至必淹留盤殮出珍
錯筆札供唱酬杖策登崇岡乘月汎輕舟
渺然入蒹葭溪風迴遠渚木益鬱然喬石
益蒼然古孰爲舊亭臺孰爲新廊廡應接

難爲名歷歷窮其所捨舟探洞穴巖竇窺
青熒螺房若倒麗石乳亦互撐層崖架修
梁援接乃可行得無丹青理經公想像成
方疑前山窮溪流忽而轉傍水開竹扉人
家雜鷄犬籬落咫尺間桃源異深淺是時
登歷竟寄興與之遠公曾守夷陵巫峰入
版圖石門與三游巖洞得似無僕曾遊武
夷九曲此不殊竒哉一畝宮宛然具仙都

安用出戶庭取適已江湖移山豈無人三
歎非吾徒旣坐壺公壺復笑愚公愚更問

葛仙翁此何如具區

震甫家洞庭故云

中元日邀僧禮佛

頂禮慈光有所祈依人何似佛堪依全從
往事忘恩怨欲向多生懺是非出世未能
身漸老利他無力願多違香林洗鉢曾留
約慚負青山久不歸

立秋次彭興祖表兄韻

未動秋聲秋氣初紅衣猶未落芙蓉來依
幸舍無魚日因想家山有竹居獄按同文
仍覆轍科求聞達盡新除議郎博士多條
上何暇君王讀子虛

林茂之程穆倩李芳生過訪寓齋次茂
之韻

高軒何足重同調喜同過未得營三窟何

人問四科茶香清共對金石古爲摹莫話
衡門樂夤緣笑女蘿

贈姜抱宏中翰

簪筆能忘舊請纓五陵豪俠盡知名多談
上殿紛爭事幾閱長安勝負枰變色一身
曾虎口同心千里自鸞鳴他年若捲綸竿
出今日猶稱是後生
送易比部起也審恤楚中還

湧滌曾煩畫省郎淵源學術戒申商泣車
主德真同禹祝網臣心亦就湯肯使三年
猶苦旱自然六月不飛霜湘纍欲定千秋
案安得閑情問楚襄
今昔情深憶所知因從桃李念連枝當君
握節還朝日是我支筇浪跡時燕市筑
存誰共擊齊門竿濫不堪吹一竿肯向羊
裘老屠僧年來亦釣竒

黃孝翼社丈五十初度卽應徵書
釣築求賢事已希不妨弋者慕鴻飛行將
問荅承

黃屋可有忙閒較紫薇吾黨未能安蝶夢如
君寧得老荷衣無煩更說知非蚤蚤出青
山定是非
范小蘇較書善葉子戲乞詩
得似錢塘蘇小無同心雙結繫羅襦西陵

松下青驄馬新向金陵問小蘇
雙橫眼色水同清一把腰肢柳樣輕不用
黃金來買笑只須葉子鬪輸贏

爲止生兄賦壽閒公

人生快意不恒有文士閨中得良友人間
一降大茅君遂有閒公爲之偶閒公學書
方十齡十六始宗虞永興學詩初學王右
丞但恨無過杜少陵六朝金碧紛才彥何

人不頌鍾山獻寧惟閨秀亦女師一身五
福因備之茅君少年酷愛客邇來勝客閨
中得交遊已知絕意氣仕女何妨傲巾幗
好將佳句施名山墨莊至寶傳人間詩成
落紙多清事却笑閒公殊未閒人
中秋社集得虞字韵是夕無月以流氛
不吐清光掩夜珠雨廉纖後月模糊舊交

警夜

已見人皆老醉尉應訶客有逋如此江山
歸戰伐可堪勲業到屠酤東南羣彥尊前
在節序能忘感慨無

賦邛疏餐石髓爲鎮遠太夫人壽

太室仙人餐石髓石床高枕青山裏從來
五石能延生鍊形行氣遊仙庭仙庭羣仙
宅金闕金母於中授其訣驟鸞駕鶴來人
間家傳帶礪盟河山象服祁祁朱者顏大

侯象龍衣舞斑小侯海內稱名士維揚俊
人誰與比考鐘伐鼓前致辭徵言乃及二
三子君不見聖媧巧手補天空三光不凋
萬古同餘霞五色散爲綺分入小侯雕管
中乃知邛史何足數空向山中覓鐘乳

小侯顧不盈同社兄弟也

和龔淵孟比部喜歸詩

吾生未必果行休丘壑誰云不可求君自

菜根堪一飽任他肉食又深謀
從來原不入時宜遷客何妨又補遺尚有
五湖煙艇在不能容者是相知

安用千頭問木奴歸來合畫草堂圖眠雲
醉石多清事耳熱鳴鳴亦可呼

淹郵爲郎自歲年車雖生耳不求憐若論
治邑當時事飲水猶投月俸錢
麗豎擊來燭似椽妖姬舞罷袖蹁蹁較量

不及閑風月醉卽行歌倦卽眠
山爲黛綠水澄泓此去惟應事釣耕莫與
野人爭社席恐令鷗鳥笑初盟
出岫雲雖任所之倦歸鳥亦有程期胷中
無限經綸在剩得漁竿手自持

秋社集清涼山同賦曛字

蒼然木葉下紛紛可以楓時紫翠分刹土
尚思陳後主畫圖全是李將軍不辭細影

初生月似有歸心欲暮雲盡說淹留羣盜
在隔江無恙只斜曛以麻報紫翠公條
再用前韵題震甫畫菊滿字畫山水送
同社黃象之參軍補官北上

聚散仍于此會分同人誰不悵離羣亦知
衰柳那堪折故寫黃花持送君對酒當歌
皆韵士登高能賦有參軍坐守山水情深
者更寫江東出岫雲

黃玄中社丈以典客署錦衣幕太嘗簿
各著能聲贈之

郎署聯翩比握蘭東南才彥舊詞壇金吾
參佐方推譽玉府容臺又改觀支笏偶然
看紫翠鳴珂誰不羨衣冠叔孫綿葛何多
事雅有威儀重漢官

題侯廣成社丈畫像時初轉江右文宗
舊都車馬如流水一人獨坐冰壺裏寒廳

蕭然無襍賓回環惟見圖與史偶然寫炤
成丹青高梧翠竹如有聲臨流凝思俱遠
情角巾廣袖清風生問君何不圖組綬君
謂何與三不朽靈心寸許七尺軀幻非幻
中吾自有當君少小推國華萬言筆底腹
五車國門懸金購高價一時直欲無班馬
三侯之名天下聞君也一騁空其羣寧惟
蟬聯徵世德忠孝亦是傳家物爲郎雖云

鑿九流自公退食恒優悠縱令冀北須高
足獨向周南甘滯留起家屈指踰一紀始
易銀青賜金紫江右從來節義邦特勅
絳紗收弟子知君此行道彌尊繁桃穠李
盈其門結網已知麟鳳存詩書愈見夙好
敦時危公輔寧虛擬三公論道從此始他
年凌煙圖姓名是卽圖中之人耳
送李芳洲司農入 賀歸省時余亦北

文生小章
轅矣
嵩祝因乘六傳行王程所喜又歸程交情
豈與雲同薄宦况真如水共清拜舞
明君陳玉帛起居壽母具簪纓依君北道能
爲主枯管猶思賦兩京

許子洽盟兄以著書被放唁之

棄却青衫亦主恩掉頭因得老衡門清
時已覺君公賤處士彌彰筆削尊十輩才

分身漸老一家言廢舌長存論交當日皆
英妙遲暮天涯復弟昆

過趙二瞻侍御園亭留題

入門團團映脩竹蒨蒨中間置茆屋屋中
相對古先生妙香佛火禪榻橫風來戛竹
恍天籟聲聞琅琅和梵唄一事不入此屋
中一心不出此屋外此屋之外造境竒日
涉亦是經行時曲支廊榭各有宜迴環左

右通一池臨高以臺空架之空中朱欄緞
百尺欲登乃借樹爲級懸幢宛肖歷巉崖
錯趾還如破石壁樹根直躡樹之巔江湖
森然呈目前宵分露下魚歸寢日晚溪閒
鶴待舩別起層樓在池上支願日對鍾山
爽雖云宦地卽寓公太華三峯寄遐想樓
中之人天人師繡衣持斧爲羽儀風霜不
廢膏露施亦爲逢比亦龍夔栢臺退食何

委蛇冰壺清澈咏素絲丰裁稜稜能指佞
文章節義兼性命出世卽于入世中一棒
一喝提宗風狂禪知解空若掃法無可說
心獨了從來大雄卽大慈護生徃徃及魚
鳥只今天下須澄清期公乘驄攬轡行待
公整頓乾坤了茆屋重來共證盟

題耇海來侍御上黨蘭亭歌

玉匣已闕昭陵土墨池所宗惟定武復州

豫章分擅名褚肥歐瘦各有取蕭翼巧賺
人畫圖米顛狡獪工臨摹支流異派雜然
出徃徃自誇能奪嫡勝國石刻推子昂國
朝頗重東書堂千古法眼不易得虎賁形
似同中郎關中壽公精鑒賞起家剖符令
上黨千村桑柘一縣花四境惟聞歌擊壤
治邑何曾累韻人冰心已見無纖塵惟餘
深嗜負書癖碑版直欲窮周秦偶然行園

得片碣苔花斑斑蘚痕缺缺處摩挲文字
存洗剔乃見真禊帖急詢所自云土中發
而得之舍利同舍利尊奉此石賤至寶非
公孰能辦公今持斧來舊都皂囊亦携此
帖俱余也于公有同嗜三歎目中所見殊
數十本中實希有勁逸定出率更手公逢
此石真竒緣此石附公重不朽况公東南
今二天印碑與石均流傳片言折獄公餘

事豈令蘭亭聚訟然
李見尼叅軍新堂成樂之
譜牒稱良重白眉藏書鄴架更多奇官爲
叅佐居蓮幕世有絲綸出鳳池句曲維揚
分甲第柳枝桃葉是家姬平泉草木俱無
恙堂構相承在本支

相國文定公諸孫也故云

贈炎洲宗侯

水溯淵源木有根舊都甲第半朱門同宗

已見冠裳盛尚德因推領袖尊絲竹東山
非謝傳賓朋北海是王孫烏衣子弟雖佳
甚隆準誰如骨相存

留題陳幼白中丞園亭

納節初從海上還便將碁局置東山名園
梓澤蘭亭似舊履蓬萊方丈間閣對遠峯
俱獻媚庭留卧石共偷閑堦除別有嶙峋
色玉樹應聯玉筍班

贈張崑岡丈
遊戲何妨流寓間
塵勞擾擾不相關
喜歡緣裏堪娛老
安樂窩中更得閑
絲竹陶情時度曲
烟霞在手善移山
六時禪誦清齋罷
名衲高人共往還

沈水部君明長至初度榮封賀之

官閣題詩舊水曹
戴星今使大夫勞

明王寵錫方綸綍
使者勳名漸節旄
至後日

初添綵線春前草
欲避青袍庭中自有聲
音樹安問千年度
索桃

贈李世臣中丞

弱冠登朝蚤建牙
羌胡歸款寂無譁
舊都名胄尊黃閣
魯國諸生出絳紗
清嘯坐看秦塞月
鳴琴獨對雒陽花
一枰勝負何須問
不久東山又起家
得失無煩問楚弓
黑頭今已是三公

朝文獻仍江左七葉絲綸自禁中子舍
衮衣能愛日仙人黃髮有遺風奇書插架
經盈筍羣從烏衣未可同
留題范太蒙先生靜寄軒
別起高臺臨以軒支筇行處宛丘樊僧容
沽酒開蓮社客每携枰賭橘園金石銘多
尋瘞鶴煙霞心在寄調猿墻東避世非無
爲爲有青山近短垣

花源曲處徑旁通竹樹扶疎一畝宮長子
孫皆工繡虎論行藏已付冥鴻憂先不爲
江湖廢靜寄兼于山水中笑我雪泥留指
爪也誇經歲得從公

將入都門留別南中同好
能文寂寞是依人淹洳寧辭寄此身謀事
每從嘗試得定交俱作偶然親十年幻局
窮豪士九折危途老道民消受一時憐惜

盡可無奇策救長貧
但別家人未覺難
酒徒狎客強爲歡
筍蔬分品煩僧供
花鳥隨時與妓看
懷刺幾曾題鳳字
加餐未免費猪肝
驅車歲暮非無爲
博得綈袍念一寒

已多客計累諸君
欲別因成懺悔文
鑄錯求錢生羽翼
書空有筆代耕耘
蠶將成繭難爲色
馬但知途豈出羣
世態豈須慈氏觀
吾師言亦等浮雲

右南都詩一帙計

五十四葉戊寅冬

長安借榭軒雕本

斗室倡和緣起

余自拘司敗後始與祝皇坤五相識各以意
莫逆漢橋則爲通姓名合并甚奇也余時頗
作達無莊語又欲斷文字緣坤五數以言相
挑猶格格未吐卽針鋒奏合尚伊隱喉吻間
未幾潤山從北寺來其人落穆然好爲詩棲
土室如斗注易暇吟咏不輟祝皇漢橋相與
鬪捷余始與坤五間拈一二韵烏烏聊破悶
而已余貧不能僦請室從碩膚分一榻而最

後潤山移息庫上余襍被就其室時已冬候
擢落變衰矣尚滯蟲吟鼠泣間禪誦小間拈
五絕代長歌諸君從而和之一而再再而三
以至于四五余又各以原韻酬荅遂成倡和
一帙嗟乎是諸纍臣者始未嘗有半面識乃
俱以黨禍聚而畫之園土中卽南冠楚服又
俱能以筆墨自文微

天王聖明不及此雖立石何敢忘且也友朋
患難之誼在焉因鋟而存之以代旦旦若還
初詠斗室而別自爲韻碩膚用原韻而不係
斗室者俱未及也辛巳嘉平八日震亨再題

斗室倡和詩

園中儼土室如斗禪誦其中成五絕句

呈同事諸公和之


文震亨

寧容一榻借橫陳但挾胡床坐主賓欲喚此
居名恰受也邀窮佛共三人

子美詩有野航恰受兩三人之句

似遣浮屠斷有情却教此地亦經行諸天應
咲維摩詰丈室于今減樣成

青山浮屠不三宿桑下恐屬有情



青山何處不相容
垂老來聽長樂鐘
博得一椽同肘印
丹書各姓是侯封

肘印大如斗取以爲斗室喻丹書罪籍也

身入鵝籠了不驚
銅槃難遇幻書生
近來酒肉方空獄
優鉢花前唱佛名

幻書生有附鵝籠中而行者只吐銅槃飲食供張悉具園中向來聞以飲饌傳食余至有酒肉地獄正直空之咲又獄

中禮懺堂有曇花現壁之異共爲讚歎

希有云

宗生縱使好丹青
四壁難留五岳形
惟有道玄圖變相
閒看粉本到西廳

吳道玄有地獄變相圖西廳獄吏所居所見皆其形也

陳祝皇吏部見和卽以奉酬
梵夾陰符案雜陳
高談風月共嘉賓
真來插棘編籬地
不是依門傍戶人

高談風月插棘編籬皆吏部事也園中
周以棘圍故戲用之
聞說從來少宦情祇將心事寄孤行無端幽
憤書將就苦爲郢陽獄未成
緇撮青袍道者容暮鐘聽罷又晨鐘放君便
種瓜田去不向東陵憶故封

祝皇道裝故云

若論姓氏座曾驚作述俱能了一生記得鯨
鯢清海上金城碑碣舊留名

祝皇今之陳驚座也有註疏津梁後學

又爲桑梓遏海盜築鄉城有碑記尸祝

之

吾廬無恙故山青肯入胥靡夢裏形臣罪祇
應心似水何曾標榜到冰廳

傳說坐胥靡之刑謂輕罪連坐也時黨

獄尚未解云

董漢橋工部見和卽以奉酬

舊都花月話隋陳竹肉絲中具主賓不信和

歌燕市日南冠讀易又同人具王寶不計味

余與漢橋白門歡別先後入都

窺園聞說廢閒情深夜挑燈傳五行今日廣

川仍下吏不知繁露可垂成

漢橋明經有聲膺特用故用仲舒事

一官遲暮未相容豈有功名到鼎鐘天意可

徵應大旱三年原不為乾封

雖云寵辱可無驚不分青衫誤此生父子一

時同累纆旁人猶謂是高名

時長公嵩生戶部先以註誤下獄矣

西湖飽看亂山青一入園扉影問形剛被析

鈴驚舊夢猶疑鼓吹到松廳

閩中亦有西湖之勝漢橋別業在焉故

為記之

孫碩膚職方見和卽以奉酬

放赦金雞事已陳纍臣復見雁來賓吾為減

樣君加倍總是相憐同病人

來詩有加倍成獄余詩有丈室減樣之

此室誰能寄遠情，
祗堪僵卧不堪行。
亦知枕上功名好，
恨少黃梁夢未成。
蒲團趺坐可相容，
聽徹霜天到曉鐘。
淒緊也爲冰雪慮，
此中不乞一丸封。

更無鹿夢可相驚，
勘破關頭到死生。
萬卷故書宮一畝，
不知何苦戀浮名。

髭鉗初賜換銀青，
恰稱江潭憔悴形。
荆棘蒲庭庭樹禿，
與君同憶舊槐廳。

誰能入室共披陳，
冷月淒風作主賓。
盡道此中堪壁立，
想因君是過來人。

潤山昔居此室故云

猶從請室賦閑情，
偶偶冰霜稱儂行。
鐵幹未應摧折盡，
梅花新賦又將成。

靖節有閒情賦廣平有梅花賦

莽莽乾坤不取容，
南山聲應北山鐘。
櫻鱗自謂非奇事，
諫草于今第幾封。

賸有風雷世所驚
主恩猶許賜餘生
君子萬念消除後
豈慕人間直諫名
欲開雙眼竟誰青
相對惟看土木形
遍讀科條無罪狀
緣何半載繫西廳

黃坤五太史見和卽以奉酬

灰心萬事共誰陳
潦倒原非北海賓
索我向來真面目
除君以外竟何人
枯禪不入有無情
月自當空水自行
稍與諸

君添綺障蝸廬小
果爲誰成
諸儒虎觀舊雍容
官舍遙聽禁裏鐘
今日

主恩惟放逐
竟無書上頌東封

風雨能從筆底驚
曾爲天子舊門生
人間

聲價何湏問
窳是清流浪得名
聲價何湏問窳是清流浪得名

夢入姬岩未了青
稚松今已作龍形
何當共

掛南冠去長伴寒雲卧
一廳

詩身姬岩坤五讀書處也人

何曾馬還初銀臺見和卽以奉酬
寶亦書南

何曾屬草佐披陳自是相逢有惡賓北寺南
衙俱歷遍西曹復作再來人

還初曾下南北司獄又兩下司寇獄屬
草則近事也

冰霜與物竄無情荆棘叢中冒絮行同此糾
纏同此病蕭條空說歲功成
掛瓢隨處若相容飽聽雲堂飯後鐘他日武
夷山下過一僧歸便寄函封
呪食荒庭鳥雀驚始知機事逐心生人間縱

有終南徑自愛吳中處士名

松自高寒竹自青原無愠喜得相形獨憐未
了溫柔夢又被傳更到隔廳

還初銀臺別有斗室首倡次之

自掩荆扉自起居也因半榻地無餘作勞亦
擬申僮約不載園中令掃除
萬事惟留雙鬢看強爲權處興終闌牛衣歲
晏傳相泣又望何人念一寒
浮雲于我亦相關五嶽看人方寸間出岫已

非歸又晚可如窮鳥倦知還
寄想千巖穩舊棲心驚羣盜又青齊若爲請
室歌衰鳳何似山翁伴祝鷄
黃紙其如掛壁何西曹不獨白雲多翟公縱
使還廷尉只署門前雀可羅

和斗室禪誦韻

馬思理

丈室渾如萬法陳
魔民佛子眼前賓
主翁覩破原無物
任切還爲離劫人
茫茫苦海不勝情
認得津梁恁地行
君已參

禪吾守素安排水火各生成

懸知世法不相容
纔學空門聽曉鐘
不信此身吹鬼國
却教繩甕作雲封
寵辱原來可不驚
翻從棒喝識三生
于今飛出人天界
不羨狐禪浪得名
何須野綠與山青
任是樊籠見鶴形
畢竟汚泥沾不得
蓮花今長白雲廳

和斗室禪誦韻

董養河

白雲一席梵書陳
贏得蕭然少雜賓
知否

主恩寬比海三薰猶有檻中人
盆島魚環萬里情蔬畦猶共踏霜行
祗愁難閉蛟龍氣斗室中宵五彩成
男兒雙膝總難容佛火微茫候曉鐘
好趁免冠猶未秃桃花尋我著雲封
桂拔鸞囚何足驚繇來火宅寶華生
請君併碎虛空去丈室終多咲淨名
天陰繞屋鬼磷青聽罷真言不復形
應護坡公雷駟處較多光焰馬旋廳

再和

老誤儒冠難具陳青山無主爲名賓
誰憐湖海摩空翮也復垂垂向弋人

十年紅荔故人情桃葉還經挾月行
金印未懸貂又冷相看羞說揣摩成

吏隱金門歎尙容日供詞翰落疎鐘
果知澤雉樊中苦早乞 君王麴部封

寒更邏卒暗風驚此地真堪了此生
生公石月幔亭水冷盡英雄身後名

草玄難白鬢難青促膝無言槁木形愁憶江
南此時節暗香疎影散書廳

三和

誰將勇貴九閭陳濟濟猶迎鄭驛賓明是
千秋詮述地數椽珍重付何人

老慣風波無復情只如携驥蜀山行君端不
負如來意法果終經八難成

斛水蛟龍亦可容問誰鳴缶與鳴鐘獨憐松
竹栽難長不見山中書半封

但祈烽火莫相驚環堵歸堪了一生君便開
籠飛未得御屏城記舊書名

甕中天共片雲青滿眼蒼涼厭鵠形盡道

鸞輿郊祀返一羣寒鵲鬧前廳

祝皇坤五各有三和亦戲成之

和斗室禪誦韻 陳天定

十笏同叅跡已陳于今重問主和賓文殊莫
訝鐵圍苦著得跏趺無事人

漫向升沉判想情清宵鬼語伴經行度他爲

懺桑三宿自度仍勤壁觀成
水韻山心儼道容隔墻時聽夜聲鐘要知爭
戰皆蝸國自識陰晴是蟻封
木落巢空見鳥驚一椽何事太愁生陸沉儘
付虛舟往恰受還從野趣名
靜夜挑燈炤眼青真經宣罷佩真形福堂點
簡多朝貴好似掄才舊鶴廳

再和

團團咲語雜新陳逆旅場中主亦賓一句容

安君記取開門見月又三人

鵲噪烏啼亦有情問君折攝可雙行伏魔且
作天魔變六字彌陀學未成

拓落人天總未容何當聲氣覓山鐘動則孫
吳靜黃老萬丈文光一繭封

一咲儒臬寵辱驚與君團坐說無生蒙莊果
是竺軋祖爲善誰知莫近名

果果因因剪燭青償他前業影隨形鐵門彩
筆通香案鳩署丹書放鶴廳

卧起于徐滕可容白雲司裏夜聞鐘知君別
有白雲句逢禮鐘聲不羨封
室慾何須一夢驚辱乾宦海覓漚生只今鳩
鵲誰爲主曾與司農宿大名
一般月碧與天青不局神光也局形空圖願
爲明主祝燕泥春鎖綠莎廳

園中無燕莎廳借用之卽獄空草生之

意

五和

夢斷黃梁不再陳泥邊鴻爪甞時賓主翁別
有叅尋處似叩團蕉見得人
綺障書淫亦墮情後先靈運判誰行也知得
道非頑福脉望繇來食字成
有縫浮圖著蟻容堪將啞鼓例妖鐘愧余力
眇逢魔殺高築京觀且覓封
爲拓心胸不受驚詩眉史眼喚重生諸天正
樂知難度千佛未來可有名

啓羨近評詩史

悔將短髮別山青到此灰心羨鶴形
死恨劉安雞犬語卧雲長記白雲廳

劉安雞犬舐鼎成仙此語誤人不少

和斗室禪誦韻

黃文煥

疑籤屢下帙時陳析義難邀四座賓
就裏翻身長自咲腹中空洞賴容人

投軀湫隘得移情浮世均難騁轡行
禁步何嘗殊濶步微塵寶刹互圓成

物外同慚邴曼容繙經閱候又黃鐘
欲描屋樣三千本分與深閨阻覓封

寒威窓外不須驚截得陽和煖易生
手造鳳樓無處用安排禪室博新名

此地偏宜炤汗青年供彩筆虬藏形
幾多古刹人踪少狐踞當門雉入廳

和斗室禪誦韻

破凍千簷片影陳蘧廬若箇是真實
不須更覓無生訣山鬼應憐面壁人
思入松巖豁倦情深深海底亦堪行
諸天總

有菩提相一染人間盡不成
亦其言前天略似吾廬
膝可容衣裳猶倒五更鐘
一般有景油油見萬里月明
川自封浪裏舞舩不受驚
風花久矣澹浮生新來知
讀書無字却惟十年撇淨名

窺窓何處失山青無計煉身似鶴形
大地光明鬼自語遲君躡履去西廳

再和
尚有素心欲共陳過從只是此中賓
憑君叅

透眼前事天下應無熙攘人
似遣蠶叢鍊有情獨行端不避霜行却憐季女勞
針線未許鴛鴦改樣成

穿來日影解相容高枕不驚漏盡鐘
獨有鄉思思未斷茫茫千里悵雲封

底事樊籠衆所驚誰知閉戶亦先生
新來靜揖庖羲氏始薄人間文字名
相隨賸有一毡青磊落難從槁木形
冬日曝來仍可獻好描圖本話西廳

讀難和之

高調來不去之詩思揔以唐突開罪風月

還憑風月開眉咲擲揄良其希乃

錦文白之

弟廷秀頓首

三和

消得淒涼片榻陳冷心久已謝名賓數聲清

誦一聲嘯惟底此中亦有人

亦似地偏滙遠情無端白日怯人行一椽猶

自搖風雨咲絕年來五鳳成

許大乾坤難自容臣心猶杵未央鐘腸枯知

有相如渴惆悵曾無諫議封

學得闕觀見客驚不教白髮喚愁生貫城昨

夜分明見百萬劫中鍊姓名

眉中開眼誨人青歲暮徘徊老大形欲判瞿

曇深涉意幾回執卷過西廳

自中開... 人... 大... 興...

大... 興... 興...

自題一葉

草木中莫輕於一葉矣棄擲之等于腐

蟻浮塵不蒙一盼而刻畫之遂以蟲紋

鳥跡同于書契之通鬼神甚或疑搖落

為飛揚指飄墜為旋轉斯亦一葉之幻

局而覽物者所啞然也甲申

國難後及于仲秋不自意復奉除日至

冬十月謁

帝出山所歷秋冬之際草木變衰矣而會
犬馬疾不任甫一月卽以乞身請故事
小臣乞身當下部覆無徑得請之例
而吾

君吾相及子公故人知其病復知其貧
遂得卽奉

俞旨脫塵網返初服從此天空海濶矣旣
還山念畢生出處之局在是如落葉歸

根時乃取所上章及一月中賦咏梓存
家乘而卽以一葉名又竊附于去國
身輕之旨此一葉也其腐蟻浮塵乎其
蟲紋鳥跡乎其搖落飄墜飛揚旋轉乎
世必有能識之若曰以是葉也而驕資
緣之蔦蘿傲逢時之桃李則又畢生安
于集枯之故而本來面目吾能自識者
也是歲長至前供奉文震亨再題

武英殿中書舍人臣文震亨謹奏爲瞻
天欣遂朝宗曠職分宜引乞瀝陳下悃籲
懇

聖明俯允休致以遂生全事臣以閒曹下
吏奉

差遵限休沐里門恭遇我

皇上龍飛御

天中興定鼎臣恭隨郡邑官吏之後共慶

當陽應運寰海維新遙望
闕廷忭舞申

賀欽蒙

聖恩起補原官頂戴

宏恩啣結無地竊念臣湯火餘生林泉棄
物纏綿疾病并日饑寒卽宜沒齒窮簷
終老耕鑿而臣所以力疾趨刺不聞
朝者正以臣雖大介末品然依光

日月之念未敢自後于人且臣受

先帝知遇特以外吏改列清班文章遭際
不繇他途今蒙

聖恩召還故秩亦思稍効筆札微勞仰佐
新朝右文盛事而不意衰蹇筋力彌益支
離霜露見侵夙疾陡發旣醫藥之罔効
非旦夕之可瘳若不仰籲

聖恩乞身歸里卽上林給札不能勉奏雕

蟲

大官授餐亦且虛慚割肉省分知止草
木苟全或亦夙夜到於無入國
函蓋之所俯容乎用是謹瀝下情徼
恩准容休致犬馬至願從此不卽填溝壑
得與田夫野老歌頌

聖德生生世世有餘榮矣干冒
天慈臣不勝禱祈待

命之至謹具

奏

聞伏候

聖旨

崇禎十七年十一月十一日具

奏本月十三日奉

聖旨文震亨既有疾准致仕去該衙門知
道

一葉

雁門文震亨啓美甫著

甲申秋日重奉西省除目

春明一出遂三年忽捧除書意惘然駿骨
已無燕市價蛾眉重受漢宮憐江山近日
瞻金碧詞賦先皇被管絃因記中唐曾
有句兩朝長在聖人前

將出山山堂對菊

竹塢雲林自有家卽看行李帶烟霞柴桑
縱醒高閒夢籬落原非附麗花野水竟荒
湖一曲斜陽誰識路三义茂陵正有秋風
泣莫話歸乘舊使楂

時方久旱

重入南中下榻半閣二首余每至南中
必居此卽湛大師團蕉也

又宿招提境依然半閣雲已知人換世將
與孰同羣霜落楓朝氣僧閑寺夕曛鸞坡

多故事杜口謝諸君

其二

趨朝如一衲挂褙向幽谿野外看綿蕞行
踪問裏蹄閑綠仍研北深話坐窗西擾擾
無關甚團蕉夢不迷

寓閣贈西有僧湛大師法眷也

又將雙髻換浮名霜葉紅時入鳳城通籍
稍能遊有道解裝仍與客同輕風塵此日

宜長劍雨雪當年共短檠因對吾師追往事
事杪樞樹底話三生樹為大師手植今木拱矣

行宮朝見

鍾山王氣接行宮高帝陵園對鬱葱此
日明廷重振鷺向來臣技在雕蟲勾臚肅
仗從天上呵殿聲高達禁中總謂諸儒
無補甚其間或有叔孫通

武英殿朝見

鐘鼓初嚴刻漏停依然淡月帶跡星
神

孫次及同三葉聖主當陽護百靈周室
好速將采苻堯階敦儉祇生莫微臣尚記

先朝事西殿傳宣進御屏

今上同 熹廟 先帝皆 神祖孫同三
葉云時將行大婚禮而行宮未葺猶以
土階示儉 故紀之

午朝賀進玉璽

雲物昭回大寶陳恭逢日吉又良辰鷄人

亭午傳三唱龍輅臨軒備九賓當璧已徵
王者瑞暉山因顯世之珍欲知有喜天
顏近親切無如尚璽臣

重寓秦淮

烟雲過眼竟何關拄笏猶看紫翠山可否
浮沉容散吏依然供奉點朝班旌旗細柳
軍容盛羽獵長楊賦手閒終踐買田歸老
計宦情原在有無間

晚登雨花臺

點綴霜林處處同已酣黃葉醉丹楓青山
似咲新逋客白下重來老寓公諸道兵車
開霸氣一時膠漆盛王風烏衣巷陌南朝
寺多少樓臺夕炤中

感舊

舊遊如夢復如塵歌榭吹臺記未真一抹
暮雲看欲盡六朝啼鳥聽重新東園載酒

俱陳跡西第留賓少故人二十五年流水
去祇餘詩卷伴閒身

自僑居南中至今歲
恰二十五年矣

入南重晤阮少司馬圓海

一自新朝建鼓鐘公才卽合首登庸時
人尚覓枯椿兔老子何關柱下龍果爾臨
戎看仗鉞逢余作客又支筇不知舊分能
存否猶說當年慕嗣宗

孟津相公署園小飲卽其掌南院時所

居也

晨趨玉殿晚方歸又咏停雲對夕曛開
閣尚能通野徑掃門仍不似綸扉池荒積
水無三尺樹老旁枝亦四圍當日侍公曾
此地墨痕猶共筆花飛

送阮少司馬視師江上

橫海戈船列障同長江因此置艨艟捷書
絡繹飛清晝諸將橐鞬拜下風入佐一

王兼雅頌出誇千騎表英雄傳聞宣室虛
前席半爲蒼生半鎬艷

其二

饗士椎牛已散家祗畱一劍淨塵沙移床
嘯月猶無暇列陣如雲總不譁真主南
來重定鼎大江東去特開牙問公蓮幕諸
叅佐草檄何人筆有花

上貴陽相公三首

六傳飛龍自代來其時公已冠雲臺絲綸
地迴文章靜帷幄謀兼將相才能繼賡歌
惟徵角欲調水乳用鹽梅亦知正有深思
在中外誰非仗挽回

其三

綸閣冰壺趣不殊堂餐猶自饌伊蒲恭逢
玉帛新王會肯使江山入戰圖草昧經營
思九合光明心事本三謨遙觀諸將逡巡

處方信尊嚴有上樞
其三
龍門典謁舊曾通
一隔雲泥未敢同
禮數已當從立雪
品題誰不待臨風
猶多山水經行處
未少樓臺昨夢中
但是有公畱翰墨
于今俱見碧紗籠

贈宗衍菴掌翰

南宮高第掌絲綸
總爲從來筆有神秘省

班聯新列宿
廣陵烟月舊詞人
九流鏡裏銓衡選
千佛名中福慧身
如我愧當才盡日
多君猶不棄輕塵

劉雲密銀臺
江右同梓也
以中丞節開督府
閩粵治軍興費詩以贈之二首
久從水木慕高名
得侍新朝已鉅卿
果有清風分列座
始知今日是長城
江淮將帥資泉府
閩粵梯航佐水衡
畱取焚香心

事在祗應琴雀許隨行
承其二
喉舌司通 帝座間時情卽已慰東山中
丞出鎮誇千騎連帥遙臨控百蠻道在險
夷無變局心清籌筭有餘閒因令寂寂寥
寥者得賦詩篇共往還

贈葉白於典籍

如我欣然附舊知談諧因不異當時香衾

半枕趨朝蚤銀燭三條歸院遲 殿上紫
泥多秘密車前赤導盛光儀從來此地親
黃閣豈比尋嘗曰鳳池

謝 貴陽相公

敢謂文章技稍嫻祗希 一命廁朝班官
若如有如無地身在非門非戶間時輩誤
疑盟白水 主恩仍許臥青山獨慙不及
田中雀猶解分明報玉環

謝孟津相公游五筵

自爲青山乞此身非關莽莽畏風塵朝賢
未必求三折執政皆能念一貧許我成家
詩律細如公憂國論思真不知臣朔言何
事恐有侏儒飽看人

乞歸得旨述懷四首

豈容投老尚逡巡七尺分明去國身賸有
耕桑娛晚計恰逢風雨餞歸人江梅又報

山窓信砌艸將回小院春肯被掉頭巢父
笑一瓢原不受纖塵

時歷秋冬久旱束裝前一日風雨始至
殊慰二麥之望不以爲行旅困也

其二

趨省何緣席未安不如人處况衰殘艱危
閱歷心長冷容易年華局倦看一枕鷄聲
供懶漫半蕉鹿夢任闌珊平生每誦陶弘
景神武門前強掛冠

其三

萬事無如吾道尊已將書卷付乾坤林深
數密微臣志海濶天空 聖主恩家乘敢
忘祖武在懸車不愧父風存此歸只趁扁
舟興雪滿山中蚤閉門

曾大父太史公先君朝列公皆以致政
歸云

其四

四海皆知此敝裘祇因吾計合歸休寒雲

似護高巖石野渚閒看自在鷗可有名山
藏迹作猶存破研注春秋虛勞建業諸賢
意未少烟波一釣舟

雨後出 都門

一雨來何晚如驚物候新耕耘非綠塍浣
滌盡紅塵戰野龍爲友隨陽雁有臣西風
吹墜葉誰識是輕身

句曲道中夜行

返炤猶墟落寒凝萬木高圖書行旅累僮
僕道途勞自喜還筇屐無煩借節旄秦淮
一片月今夕映征袍

雪中汲惠泉

山與樓臺半有無雨絲雪片共模糊全憑
漁父收簑笠總寫歸舟入畫圖三尺深泥
煩水遞四郊多壘爲兵符東南又遣征求
使敢向 君王乞鑑湖

時越中水師絡繹長年皆停舟避之

歸舟偶成四首

輦路新除道 高皇此故宮艱難經百戰
辛苦定羣雄未少興衰事都存炯鑒中獨
慙臣老病無地効微忠

其二

白日苦云促吾疑是小年僅存惟老骨猶
想寄安眠出處皆完局鄉邦每浪傳秦庭

雖有淚未敢向君前

其三

鳳池羣彥在誰解辨金根未有同時歎焉
令小道存家山懷舊隱 明主賜新恩惆
悵班揚事歸來重閉門

其四

山黯雲低處舟迴路不迷掉頭甘木石鞅
掌倦輪蹄一月依 黃屋元年下 紫泥

豈無窮達戀風雨過梁谿

趨朝恰及一月得以
不虛出也

覃慶蒙恩幸

至夜抵家

雨雨風風客路遲明朝恰及閉關時不妨
匝月聊乘興似與諸公爲補遺心定喜看
無競水身閒又歛欲殘碁家人咲問歸何
有已向嚴陵借一絲

至日閉關先王以禁行旅也余則從此
杜門矣

至日山堂坐雨

自應無分廁羣龍
明主何嘗不見容
遂有清香凝小院
靜看朝雨過前峰
芋鑪乞火將殘臘
黍谷回陽及仲冬
終許故山安老
夢錯教人聽五更鐘

右五七言近體三十六首甲申臘

月香草垞采山堂雕本

一葉

終



